

autem vobis : quia quicumque dimiserit uxorem &c. *Matth.* 19.... Judicavi eum qui sic operatus est, tradere hujusmodi satanæ in interitum carnis. *1. Cor.* 5... Præcipio non ego sed Dominus, uxorem a viro non discedere... Mulier alligata est legi quanto tempore vir ejus vivit. Quod si dormierit vir ejus, liberata est, cui vult nubat, tantum in Domino. *1. Cor.* 7. Honorabile connubium in omnibus, & thorus immaculatus. *Heb.* 13.... *An arguet, si Uxorem patris sui aliquis habeat?* *1. Cor.* 5.... *Nonne dùm diceret Christus (Matth. 5. v. 32).* Quia omnis, qui dimiserit uxorem suam, facit eam mœcham: & qui dimissam duxerit, adulterat, consuluerat civium mores & leges, insanumque forum aut populi tabularia?... Porro si nullum sit apud Ecclesiam jus hæc in materia intercedendi, quis ethnicos aut barbaros ritus a Christianorum conjugio arcebit? Quis polygamiam aut polyandriam justo imperio profligabit? Quis vetabit ne communitas uxorum ex Platonis & Catonis mente constituatur? Ne vinculum matrimonii rum-patur? Ne frater, ægyptiaco more, sororem ducat? Ne juxta Neronis & Heliogabali exempla solemnesque nuptias, & doctrinam a Paulo (*Rom.* 1.) detestatam, viris nubant viri?... Numquid Platone sapientiores, graviores Catone sunt, qui leges hodiernum figunt atque refigunt? Numquid exploratiora habent naturæ & rationis jura?... Heu mihi! quod recident christiani